



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
Council of National Minorities

Broj: 04/5-02-485/23

Datum: 30.1.2023.godine.

## ZAPISNIK

### **Sa 10. sjednice Vijeća nacionalnih manjina Federacije Bosne i Hercegovine, održane 30.1.2023.godine.**

Deseta sjednica Vijeća nacionalnih manjina Federacije Bosne i Hercegovine održana je 30.1.2023..godine, sa početkom u 12,00 sati.

Prisutni na sjednici su bili sljedeći članovi: Hidajeta Redžić, Dervo Sejdić, Džemina Zejnullahu, Elma Softić-Kaunitz, Davorka Drijenčić, Dejan Piotrovski, Davor Ebner, Bruno Palestra, Mišo Ćirko, Velibor Kuvač, Violeta Džolan, Vladimir Lukičević, Zehra Obarčanin.

Sjednici nisu prisustvovali: Admira Biberović, Alaga Suljić, Elvisa Jusić, Emil Bakoš, Emin Fafulić, Mehmed Suljić, Irma Muratović, Nermin Geca.

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

**Za 10. sjednicu Vijeća nacionalnih manjina Federacije Bosne i Hercegovine predložen je sljedeći:**

### **DNEVNI RED**

- 1. Usvajanje Zapisnika sa devete sjednice Vijeća nacionalnih manjina FBiH;**
- 2. Razmatranje prijedloga Izvještaja o radu Vijeća nacionalnih manjina FBiH u 2022.godini;**
- 3. Razmatranje prijedloga Plana rada i Finansijskog plana Vijeća nacionalnih manjina FbiH za 2023.godinu;**
- 4. Formiranje liste zahtjeva Vijeća nacionalnih manjina FBiH u kontekstu konstituisanja zakonodavne i izvršne vlasti u FBiH u mandatnom periodu 2022-2026.godine;**
- 5. Razmatranje dopisa – molbe za pomoć u organizaciji obilježavanja romskih praznika upućene od udruženja „Romane Asva – Romska suza Zenica“;**
- 6. Tekuća pitanja.**

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

#### **1. Usvajanje zapisnika sa devete sjednice Vijeća nacionalnih manjina FBiH;**

Predsjedavajuća Vijeća je pozvala prisutne članove na glasanje o usvajanju zapisnika sa devete sjednice Vijeća nacionalnih manjina, napomenuvši da ukoliko ima neko primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

## **2. Razmatranje prijedloga Izvještaja o radu Vijeća nacionalnih manjina FBiH u 2022.godini;**

Predsjedavajuća Vijeća je predstavila Izvještaj Vijeća članovima. Kako nije bilo primjedbi, članovi su glasali za usvajanje Izvještaja.

Izvještaj o radu Vijeća nacionalnih manjina FBiH za 2022.godinu je **jednoglasno usvojen**.

## **3. Razmatranje prijedloga Plana rada i Finansijskog plana Vijeća nacionalnih manjina FBiH za 2023.godinu;**

Članovi Vijeća su dobili prijedlog Plana rada i Finansijskog plana Vijeća nacionalnih manjina FBiH za 2023.godinu ranije. Nakon razmatranja Prijedloga, Vijeće je **jednoglasno usvojilo** Plan rada i Finansijskog plana Vijeća nacionalnih manjina FBiH za 2023.godinu.

## **4. Formiranje liste zahtjeva Vijeća nacionalnih manjina FBiH u kontekstu konstituisanja zakonodavne i izvršne vlasti u FBiH u mandatnom periodu 2022-2026.godine;**

Vijeće nacionalnih manjina je sastavilo listu zahtjeva Vijeća nacionalnih manjina FBiH, među kojima su posebno istakli uvećanje naknade za rad članovima Vijeća u mjesečnom iznosu koji se dobije kada se koeficijent 1.00 pomnoži sa osnovicom koju utvrđuje Vlada FBiH; omogućavanje imenovanja članova Vijeća u komisije za ljudska prava i slobode; uvećanje zastupljenosti pripadnika nacionalnih manjina u institucijama, upravnim organizacijama i drugim tijelima FBiH i drugi zahtjevi. Na kraju diskusije, Vijeće je jednoglasno donijelo sljedeći:

### **ZAKLJUČAK**

**Vijeće nacionalnih manjina FBiH će uputiti zahtjeve Vijeća zakonodavnoj i izvršnoj vlasti kako bi se isti u što kraćem roku usvojili i implementirali, u skladu sa zakonima.**

## **5. Razmatranje dopisa – molbe za pomoć u organizaciji obilježavanja romskih praznika upućene od udruženja „Romane Asva – Romska suza Zenica;**

Na adresu Vijeća pristigla je molba udruženja „Romane Asva – Romska suza Zenica za finansijsku pomoć u organizaciji romskih praznika. Članovi su mišljenja da Vijeće nije nadležno za dodjelu finansijske pomoći, te je jednoglasno donijelo sljedeći:

### **ZAKLJUČAK**

**Vijeće će uputiti dopis – odgovor na molbu udruženju Romane Asva – Romska suza Zenica kako bi iste obavijestili da Vijeće nije nadležno za dodjelu finansijskih sredstava, te uputiti ih, na osnovu člana 6. Zakona o zaštiti prava pripadnika nacionalnih manjina u Federaciji BiH, na adresu kantonalne skupštine i Grada Zenica.**

## **3. Tekuća pitanja.**

Članovi Vijeća su mišljenja da je potrebno formirati radnu grupu koja će obaviti sastanke sa članovima Administrativne komisije i Komsije za ljudska prava oba doma Parlamenta, kao i sa Vijećima



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
Council of National Minorities

---

nacionalnih manjina na državnom i kantonalnim nivoima. Članovi ove radne grupe će biti izabrani na narednoj sjednici Vijeća.

Članovi Vijeća su raspravljali o zastupljenosti pripadnika nacionalnih manjina u vlasti, o njihovom udjelu naspram Ostalih. Dervo Sejdić je mišljenja da je naziv/pripadnost „Ostali“ potrebno preinačiti u „Pripadnici nacionalnih manjina i građani Federacije BiH“. Članovi su mišljenja da će u budućem radu predložiti uključivanje pripadnika nacionalnih manjina u vlast, a o čemu će na narednim sjednicama raspravljati.

Vijeće je, postupajući po zaključku sa ranije sjednice koji se odnosi na angažovanje stručnjaka iz pravne oblasti za zastupanje Vijeća, donijelo sljedeći:

**ZAKLJUČAK**

**Vijeće nacionalnih manjina FBiH će angažovati g.Vehida Šehića kao eksperta iz pravne oblasti koji će zastupati Vijeće u cilju ostvarivanja prava nacionalnih manjina u Federaciji Bosne i Hercegovine. Predsjedavajuća Vijeća i potpredsjedavajući će kontaktirati g.Šehića kako bi zatražili njegov pristanak za zastupanje.**

Sjednica je završena u 13,00 sati.

\*\*\*

**PREDSJEDAVALA VIJEĆA**

Hidajeta Redžić